



Broj: 04-30-2000/24
Vogošća, 10.01.2025. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 10.01.2025. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU USLUGE KOLEKTIVNOG
OSIGURANJA ZA UPOSLENIKE OPĆINE VOGOŠĆA**

Član 1.

Ponuda ponuđača "Adriatic osiguranje" d.d. Sarajevo, ulica Trg međunarodnog prijateljstva broj 20. Sarajevo, odabrana je za nabavku usluge kolektivnog osiguranja za uposlenike Općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 5.172,48 KM bez uračunatog PDV-a.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 13.12.2024. godine donio Odluku o pokretanju Otvorenog postupka nabavke usluge kolektivnog osiguranja za uposlenike Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 16.12.2024. godine pod brojem: 1353-1-2-282-3-190/24.

Sažetak Obavještenja o nabavci objavljen je u "Službenom glasniku BiH" broj: 88/24 od 20.12.2024. godine.

Tendersku dokumentaciju sa Portala javnih nabavki BiH je preuzelo 9 (devet) ponuđača. Krajnji rok za dostavu ponuda bio je 07.01.2025. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 07.01.2025. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 04-30-2000/24 iz decembra 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1	"Sarajevo-osiguranje" d.d. Sarajevo	5.184,00	/	/
2	"Uniqa osiguranje" d.d. Sarajevo	5.983,68	/	/
3	"Adriatic osiguranje" d.d. Sarajevo	5.932,80	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Uniqa osiguranje" d.d. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 8.2.1. pod 3. TD je propisano da Ponuda mora sadržavati slijedeće elemente i to između ostalih i Obrazac za cijenu ponude, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača.

Ponuđač "Uniqa osiguranje" d.d. Sarajevo je u svojoj Ponudi (strana 15. Ponude) dostavio Obrazac za cijenu ponude-Aneks 2 TD.

Ponuđač "Uniqa osiguranje" d.d. Sarajevo u svojoj Ponudi nije ispravno popunio dostavljeni Obrazac, obzirom da je propustio da popuni rubriku mjesečna uplata (premija) KM po jednom uposleniku, iako je Napomenom 11 iz Obrasca za cijenu ponude propisano da cijene moraju biti izražene u KM, te se za svaku stavku u ponudi mora navesti cijena (nijedno polje u tabeli ne smije ostati nepopunjeno, čak iako se radi o iznosu 0,00 KM).

Komisija za javne nabavke je smatrala da je ponuđač "Uniqa osiguranje" d.d. Sarajevo na ovaj način odstupio od jasno propisanih zahtjeva ugovornog organa iz TD broj: 04-30-2000/24 iz decembra 2024. godine.

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je formalno-pravno nepravilna za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Sarajevo-osiguranje" d.d. Sarajevo i

- "Adriatic osiguranje" d.d. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 09.01.2025. godine u 12:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 09.01.2025. godine, Komisija za javne nabavke je sačinila sljedeću Rang listu u Otvorenom postupku nabavke usluge kolektivnog osiguranja za uposlenike Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a
1	"Adriatic osiguranje" d.d. Sarajevo	5.172,48
2	"Sarajevo osiguranje" d.d. Sarajevo	5.184,00


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Adriatic osiguranje" d.d. Sarajevo, za pružanje usluge kolektivnog osiguranja za uposlenike Općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 5.172,48 KM bez uračunatog PDV-a.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





PO OVLAŠTENJU OPĆINSKOG NAČELNIKA
POMOĆNIK NAČELNIKA


Fetah Kadrić

Dostavljeno:

1. "Sarajevo-osiguranje" d.d. Sarajevo
2. "Uniqa osiguranje" d.d. Sarajevo
3. "Adriatic osiguranje" d.d. Sarajevo
4. Nadležnoj Službi
5. U dosije
6. a/a

info@sarajevoosiguranje.ba
edin.mujcinovic@uniqa.ba
adriatic@adriatic.ba